



## Universitätsbibliothek Paderborn

**Avgvstini Barbosæ I. V. D. Lvsitani, Protonotarii, Et  
Ivdicis Apostolici designati pro Tribunali Nunciaturæ  
Hispaniæ, ac insignis Ecclesiæ Vimaransensis Thesaurarij  
Maioris, Collectanea Doctorvm, Qui ...**

**Barbosa, Agostinho**

**Venetiis, 1643**

3. Tertia pars quorumcunque prouentuum, & obuentionum, tam dignitatum, quàm canonicatum, personarum, & c. conuertenda est in distributiones, quotidianas, vbi eæ sunt ita tenues, vt negligantur, ...

**urn:nbn:de:hbz:466:1-14108**

diffic. 6. à prime. Marcel. Vulp. in praxi iudic. fori Eccles. cap. 8. num. 9. Marc. Anton. Genuens. in praxi Archiepisc. Neapol. cap. 83. num. 5. Gonzal. ad regul. 8. Cancel. gloss. 5. §. 10. num. 22. Bonacin. de Sacramento. disp. 8. quæst. unica puncto 5. num. 24. vers. primo. Sanctarel. var. quæst. 49. num. 15. & sic decisum fuisse, testantur Nicol. Garc. d. part. 2. cap. 5. num. 27. & 29. Armendar. d. l. 1. de patrimon. cleric. nu. 19. Illustriss. D. meus Roder. à Cunha in comment. ad cap. sanctorum nu. 7. dist. 70. Ego ipse d. p. 2. alleg. 20. num. 27.

68. Et quamvis Sixtus V. in sua constit. quam edidit contra clericos malè promotos incip. *Sanctum, & salutare, sub dat. Nonis Ianuarij 1583.* ordinatorem sine patrimonio à collatione quoruncunque Ordinum, atque etiam ipsius Tonfuræ, & ab executione omnium munerum Pontificalium eo ipso suspensum, atque ab ingressu Ecclesiæ interdictum declarauerit, & promotum ab executione ministerio, & exercitio Ordinum susceptorum, & ab omni spe, & facultate ascendendi ad alios superiores perpetuo suspensum pronuntiauerit, attamen quia constitutio hæc nimis rigida multis visa fuit, & scrupulos varios tam promouentibus, quam eis, qui promoti fuerant, ingenerauit, eam postea Clemens VIII. noua quadam Constit. incip. *Romanum Pontif. sub dat. pridie Kal. Martij 1595.* Motu proprio, & ex certa scientia de Apostol. potestatis plenitudine, sua perpetuò valitura constitutione ad terminos sacrorum Canonum, ac Constitutionis Pij Papæ II. incip. *Cum ex sacrorum, sub dat. 15. Kal. Decembris 1401.* & ad dispositionem decretorum S. Concilij Trident. restituit, & reduxit, nec non censuras & pœnas in eadem Sixti constitutione contra quoscunque (præterquam contra simoniacè ordinantes, & ordinatos infictas, quas voluit in suo robore permanere) voluerit, & aboleuit. Ita Soar tom. 5. de censur. disp. vltim. sect. 3. num. 41. Fr. Emman. quæst. regul. tom. 1. quæst. 20. art. 13. Sayr. d. l. 4. cap. 17. post num. 37. Fornar. d. cap. 8. num. 9. vers. nec etiam. Gonzal. ad regul. 8. Cancel. gloss. 15. num. 128. Paul. Comitol. respons. moral. lib. 6. g. 37. Sanctarel. var. resol. quæst. 49. n. 22. & 23. Illustriss. D.

Roder. à Cunha in comment. ad c. 2. num. 8. dist. 70.

69. Vnde ordinatum ad titulum patrimonij, qui post ordinationem illud retrodonat, seu renunciat, vel alienat, quamuis peccet mortaliter, quia facit contra prohibitionem Concilij, & sic castigari possit per Episcopum, non incurere tamen vllam suspensionem, inferunt Nauarr. in man. cap. 27. num. 158. vers. 2. & cons. 22. Ne temporibus ordin. in nouis, quod deest in antiq. Sayr. in floribus decis. sub eodem tit. decis. 60. Salzed. d. c. 18. num. 13. Gutier. d. g. 65. num. 10. Sayr. d. lib. 4. cap. 15. num. 23. ad fin. Ceuall. g. 527. num. 9. Nicol. Garc. d. p. 2. c. 5. nu. 165. Steph. Gratian. discept. forens. cap. 159. num. 16. & 17. Valer. Reginald. in praxi fori penit. lib. 32. num. 72. vers. porro. Ego ipse d. alleg. 20. num. 32.

70. An & quando ordinantes sine titulo, vel cum insufficienti, teneantur de sufficienti prouidere ordinatis, dixi late d. part. 2. alleg. 20. à princip. usque ad num. 23.

70. Sed an donans fraudulenter, vel fictè promittens patrimonium, deprehensa fraude, & constituto quòd promissio patrimonij fuit ficta, & donatio tantum verbalis, puniatur per sententiam iudicis amissione patrimonij? Puniri propter fraudem commissam contra Ecclesiam, resoluunt Fr. Emman. in summa tom. 2. cap. 15. num. 7. Petr. de Ledesma d. c. 7. conclus. 6. diffinit. 5. Auila de censur. part. 3. disp. 5. dub. 5. vers. vltima conclusio. Nicol. Garc. d. part. 2. cap. 5. num. 152. Sanch. de matrim. lib. 6. disp. 32. num. 8. ad med. quos refert & sequitur Illustriss. D. meus Roderic. à Cunha in comment. ad cap. 1. num. 23. dist. 70.

71. Vtrum donatio pro suscipiendis Ordinibus filio simpliciter facta conferri debeat, seu imputari in legitimam? vide mentum d. part. 2. allegat. 19. num. 64. addo Narbona d. lib. 35. gloss. 1. num. 11. cum segg.

72. Ordinatum in subdiaconum ad titulum patrimonij ipsi à patre assignati, si postea habuit notitiam prioris obligationis dicti patrimonij, non incurere pœnas huius decreti, quia ab initio fuit in bona fide, tenet Sel. dist. cap. 3. num. 17. vbi attestatur sic fuisse decisum sub die 26. Iunij 1621.

*Tertia pars quoruncunque prouentuum, & obventionum, tam dignitatum, quam Canonice, personatum, &c. conuertenda est in distributiones quotidianas, vbi ea sunt ita tenues, vt negligantur, diuidanturque solis interessentibus. Salua consuetudine, per quam non inferuientes recipiunt minus tertia saltem parte. Contumaces vlteriùs puniendi.*

### C A P V T III.

- 1 Doctores de materia huius cap. agentes.
- 2 Distributiones quotidianæ introductæ sunt fauore cultus diuini.
- 3 Decretum hoc locum non habet extra Ecclesiam cathedralem, vel collegiatam.
- 4 Distributiones vbi essent sufficientes, & tolerabiles, detrabi non potest tertia pars eis applicanda.
- 5 Verisimilitudo quòd distributiones negligantur quomodo habenda.
- 6 Pars tertia deducenda est de fructibus secundum valorem currentem.
- 7 Partis tertiæ deductio faciendæ est deductis oneribus, & sic pensionibus.
- 8 Licentia causa studiorum non excusat ab amissione tertiæ partis fructuum, &c.
- 9 Pars tertia detrabenda est ex omnibus dignitatibus quamuis de iure patronatus sint.
- 10 Dignitates non veniunt sub detractioe tertiæ par-

tis quæ nullas habent distributiones quotidianas quamuis habeant locum in choro.

- 11 Partis tertiæ deductio faciendæ est ex illis dignitatibus, quarum fructus sunt illius Ecclesiæ, in cuius choro sedem habent.
- 12 Duobus remedijs vti non potest Episcopus.
- 13 Decreti istius dispositio habet locum contra omnes Capellanos, & obruentes dignitates.
- 14 Distributiones quotidianæ singulis horis canonicis, & Missæ conuentuali assignari debent.
- 15 Distributiones, quæ acceptæ fuerunt in tertia parte fructuum, assignari debent omnibus horis canonicis.
- 16 Canonicus legitime absens non tenetur de suo soluere pro Missis conuentualibus.
- 17 Portio distributionum Canonicorum absentium interessentibus accrescit.
- 18 Detractio tertiæ partis fit de necessitate quando sunt nullæ distributiones.

a Intra sess. 32. de reformat. cap. 3.

**C**um beneficia ad diuinum cultum, atque Ecclesiastica munia obeunda sint constituta, ne qua in parte minuatur diuinus cultus, sed ei debitum omnibus in rebus obsequium præstetur, statuit sancta Synodus, & in Ecclesiis, tam cathedralibus, quam collegiatis, in quibus nullæ sunt distributiones quotidianæ, & vel ita tenues, & vt verisimiliter negligantur, e tertiã partem fructuum, & quorum

& quorumcumque proventuum, & obtentionum *tam Dignitatum, quam Canonicatum, personatum, portionum, & officiorum, n separari debere, & in distributiones quotidianas conuerti, & qua inter dignitates obtinentes, & ceteros diuinis interessentes, i proportionabiliter iuxta diuisionem n ab Episcopo, etiam tanquam Apostolica Sedis delegato, in ipsa prima fructuum deductione faciendam, diuidantur, saluis tamen consuetudinibus earum Ecclesiarum, in quibus non residentes, seu non seruientes, nihil vel minus tertia parte percipiunt, non obstantibus exemptionibus, ac alijs consuetudinibus, etiam immemorabilibus, & appellationibus quibuscunque, crescenteque non seruientium contumacia, liceat contra eos procedere, iuxta iuris, b ac sacrorum canonum dispositionem.*

6 Infrà sess. 23. de reformat. cap. 1.

1. **V**ide Franc. Leon. in thesauro fori Eccles. part. 2. cap. 2. num. 67. Aloyf. Ricc. in praxi rerum fori Eccles. decisi. 498. in 1. edit. alias resol. 88. in 2. edit. Monet. de distrib. quotid. part. 1. quest. 5. num. 24. cum seqq. metipsum in tract. de Canonici cap. 21. num. 23. cum seqq. & infrà sess. 22. de reformat. cap. 3. nouissime Stephan. Vveym in constitutiones 24. ex iure antiquo desumptas, & per Concil. Triad. innouatas, constit. 11. num. 8. cum seq. pag. 94. & 95.

2. **C**um beneficia ad diuinum cultum, &c. ] Distributiones quotidianas introductas esse fauore cultus diuini, vt is in Ecclesijs augeatur, per cap. vnic. de cleric. non resid. lib. 6. tenet Abb. in cap. licet num. 2. de prebend. Rebuff. in concord. trib. de collat. §. 1. verb. distributionum, circa med. Nauarr. de orat. cap. 18. num. 10. & 11. Decian. consil. 69. nu. 2. vol. 2. Stephan. Durant. de ritibus Eccles. cap. 25. num. 4. Vgolin. de simon. tab. 1. cap. 9. §. 4. num. 2. Monet. de distrib. quotid. part. 1. quest. 5. num. 35.

3. **I**n Ecclesijs tam Cathedralibus, quam Collegiatis. ] Ergo extra Ecclesiam Cathedrali, vel Collegiatam hoc decretum locum non habere, decimum testatur Nicol. Garc. de benef. part. 3. cap. 2. num. 473. cum seqq. quem refero d. cap. 21. num. 25.

**V**nde detrahi non posse aliquam partem fructuum beneficiorum, que sunt extra Ecclesiam Cathedrali, vel collegiatam, nisi ipsa beneficia essent incorporata prebendis canonicalibus, resoluunt Piafec. in praxi Episcop. part. 2. cap. 3. num. 7. vers. de distributionibus, Zerol. in praxi Episcop. p. 1. verb. distributiones quotidiana §. 2. Aloyf. Ricc. in praxi rerum fori Eccles. resol. 288. nu. 3. vers. de distributionibus.

4. **V**el ita tenues, &c. ] Vbi autem essent distributiones sufficientes, & tolerabiles, tertiam partem fructuum prebendarum applicandam distributionibus, detrahi non posse resoluunt Piafec. d. num. 7. pag. 129. Zerol. in praxi Episcop. part. 2. verb. distributiones quotidiana, Aloyf. Ricc. d. resol. 288. num. 2.

5. **V**t verisimiliter negligantur. ] Verisimilitudinem istam quod distributiones quotidianæ negligantur, & ob id tertia pars fructuum prebendæ in distributiones quotidianas sit conuertenda, iuxta hoc decretum, considerari debere habita ratione numeri omnium canonicorum tam residentium, quam non residentium, refert decimum Nicol. Garc. d. cap. 2. num. 471.

6. **T**ertiam partem, &c. ] Hanc tertiam partem deducendam esse de fructibus, non secundum taxam antiquam prout est in libris Capitulorum, sed secundum valorem currentem, tenet Nicol. Garc. d. part. 3. cap. 2. num. 467. & cap. 4. num. 22. Aloyf. Ricc. d. resol. 288. num. 3. quos refero d. c. 21. num. 26. Et ita secundum verum valorem, & non secundum taxam prebendarum, idem Nicol. Garc. d. part. 3. cap. 2. num. 467.

7. **H**anc tertiæ partis deductionem faciendam esse deductis oneribus, ait Aldan. in compendio canon. resol. lib. 3. tit. 4. nu. 10. vbi testatur ita fuisse resolutum sub die 7. Aprilis 1629. Et sic deductis prius pensionibus, & alijs oneribus legitime impositis, quandiu illa durauerint, sed de nouo imposita, non comprehendere istam tertiam partem, tenet idem Nicol. Garc. d. cap. 2. n. 468. vbi subdit quod de fructibus alteri referuatis non fit ista detractio donec referuatiarius vixerit. Distributiones enim quotidianas ne deteriores fiant, pensione grauari non posse, nisi expressis verbis à Pontifice concedatur, refert decimum Nicol. Garc. de benef. p. 1. c. 5. num. 390.

8. **L**icentiam causa studiorum etiam obtentam à Sede Apostol. non excusare ab amissione istius tertiæ partis Barbos. Collect. in Concil. Triad.

detractæ, sicut non excusat ab amissione cæterarum distributionum quotidianarum, refert decimum Gonzal. ad reg. 8. Cancel. §. 7. procm. num. 179.

9. **T**am Dignitatum, quam Canonicatum, &c. ] Detrahenda igitur est huiusmodi tertia pars ex omnibus Dignitatibus, quamuis de iure patronatus sint, nisi repugnet fundatio, cui per hoc decretum non est derogatum, ita Nicol. Garc. d. cap. 2. num. 492. & seq.

10. **N**on comprehendi tamen dignitates, que etsi locum habeant in choro, nullas tamen habeant distributiones quotidianas, nec sufficientes prebendas, vel fructus tenues, que reuerti possunt cum Canonicatibus vbi est consuetudo absque alia dispensatione, per cap. licet, de consuet. in 6. resoluunt Nicol. Garc. d. cap. 2. num. 487. quem refero d. cap. 21. num. 25.

11. **H**anc deductionem tertiæ partis faciendam esse ex illis Dignitatibus, quarum fructus sunt illius Ecclesiæ, in cuius choro hæ dignitates sedem habent, secus vero si nullos fructus perciperent ex illis Ecclesiæ, sed haberent proprios, & distinctos à mensa capitulari, resoluunt Nicol. Garc. d. cap. 2. num. 465. Et aduertit Stephan. Vveym d. constit. 11. num. 8. in hanc tertiam partem applicandos non esse fructus simplicium beneficiorum, præsertim que extra Ecclesias sunt, in quibus faciendæ distributiones, nisi forte perpetuo vnita, sint Canonicatibus earundem Ecclesiarum.

12. **E**piscopum, quando vñs est remedio de quo in hoc decreto in detrahenda tertia parte ex Dignitatibus, non posse vti remedio alterius, cap. 3. sess. 22. in detrahenda ex illis alia tertia parte, dicit decimum Nicol. Garc. d. cap. 2. num. 472.

13. **H**anc detractioem, & huius decreti dispositione locum habere contra omnes Capellanos, & Dignitates obtinentes, attestatur resolutum Nicol. Garc. d. cap. 2. num. 473.

14. **S**eparari debere, & in distributiones, &c. ] Distributiones quotidianas singulis horis canonicis & Missæ conuentualis assignari debere resoluunt gloss. verb. ordinationem, in cap. vnica, de cleric. non resid. in 6. & verb. Cauentur, in Clem. 1. de celebr. Missæ, Nicol. Garc. d. p. 3. c. 2. num. 487. Monet. de distrib. quotid. part. 2. quest. 3. à princip.

15. **D**istributiones quotidianas, que acceptæ fuerunt in tertia parte fructuum dignitatum alicuius Ecclesiæ, assignari debere non duabus horis tantum canonicis, sed etiam reliquis omnibus alijs, quibus qui non interfuerit, distributionem amittit, refert decimum Nicol. Garc. d. cap. 2. num. 489. Monet. d. quest. 3. num. 1. vbi subdit quod in Ecclesijs, in quibus distributiones non sunt tenues, sed pingues, licet sint aliqua horæ, que nullas distributiones habent, aut tenues, debent ei rationabiles assignari, detrahendo aliquam partem fructuum à prebendis, non autem ab alijs distributionibus, que singulis cæteris horis iam sunt assignatæ.

16. **C**anonicum legitime absentem non teneri de suo soluere pro Missis conuentualibus, ad quas tenetur absens, sed computandum cum illa parte prebendæ, seu distributionum (si distributiones omnes sint loco prebendæ, que relinquunt à legitime absentibus in Cathedralibus, seu Collegiatis, quia onus canendi huiusmodi Missas est penes Capitulum, resoluunt Aldan. d. tit. 4. num. 15. vbi testatur sic fuisse decimum 28. Augusti 1621.

17. **Q**ua inter dignitates obtinentes, & ceteros diuinis interessentes, &c. ] Portionem distributionum Canonicis, alijsve clericis Cathedralis, seu Collegiatæ contingentem, qui non interfuerint, interessentibus accreticere, L 3 probant

probant gloss. *verb. pars dimidia, in Clem. 2. de etate, & qual. & gloss. verb. suspensos, in Clem. 2. de vita, & honest. cleric. Nauar. in man. c. 25. num. 12. & de orat. cap. 7. num. 34. & misel. 59. de orat. num. 9. Azor. in sit. moral. parr. 2. lib. 7. c. 7. q. 8. & 9. Monet. de distrib. quotid. part. 3. quest. 6. num. 16. Rot. in Orto-  
len. Canonicius 10. Junij 1619. coram bone mem. Remboldo, ubi fuit dictum per hoc decretum non adimi interessentibus distributiones creatas ex annuercarijs, & alijs communibus ministerijs.*

18. Hoc decreto agi de canonicatibus, & portionibus, & fieri de necessitate hanc detractioem quando sunt nullae distributiones, & ita tenues, quae distribuuntur interessentibus tantum; sed in cap. 3. sess. 22. deduci hanc tertiam partem ex dignitatibus etiam non ex necessitate, sed in odium non residentium, & partem absentium non presentibus, sed alicui pio loco esse applicandam, refert decretum Nicol. Garc. d. c. 2. nu. 465. Caetera quae circa intellectum vnus, & alterius decreti adduci possunt, inue-

nies infra dict. sess. 22. cap. 3.

1. Proportionabiliter. Hoc est, ut is, cui plus detractum est ex grosso sui beneficii, aliquid amplius accipiat in distributionibus quotidianis secundum modum & proportionem eius, quod amplius ipsi detractum fuit, ut per Stephan. VVeyms dict. consil. 11. num. 12. *vers. si aequae*, ubi in princip. illius numeri refert sacram Congreg. censuisse plus dandum esse ex quotidianis istis distributionibus ei, cui plus est ablatum ex dignitate, vel praebenda pinguiore, adeo ut nihil sit dandum illi, cui nihil fuit ablatum.

2. Ab Episcopo etiam tanquam sedis Apost. delegato, &c. ] Disputat Stephan. VVeyms dict. consil. 11. num. 10. cum seqq. pag. 59. an sic per Episcopos facienda sit ista tertia pars fructuum distributio, ut illorum participatio, hoc est, in distributionibus quotidianis omnes debeant esse pares, & aequaliter participare? vide apud eum,

*Vbi vnus Rector non sufficit populo, adiungat sibi Sacerdotes competentes; datur modus erigendi nouas parochias etiam inuitis Rectoribus, & praefectis. In nouis parochijs danda portio ex fructibus quomodolibet pertinentibus ad Matricem Ecclesiam, qua portione non sufficiente, compellendus populus dare necessaria.*

#### C A P V T I V,

- 1 Episcopus cogere potest Rectores, si illi non sufficiant, adiungere alios clericos ad administrationem Sacramentorum.
- 2 & ad hoc non debet expectari quod Parochiani decedant sine Sacramentis.
- 3 Coadiutoriam erigere non potest Episcopus in vim huius decreti.
- 4 Coadiutores ministri adhibendi quando solus curatus eodem tempore pluribus infirmis providere non potest.
- 5 Episcopus non potest dismembrare partem cura vnus Ecclesiae, & applicare alteri.
- 6 Parochianis qui ob locorum distantiam patiuntur incommoda in percipiendis Sacramentis quomodo succurrendum.
- 7 Episcopi constituere possunt nouas parochias ubi parochiani ob locorum distantiam, siue difficultatem sine magno incommodo ad Sacramenta percipienda accedere non possunt.
- 8 Episcopi arbitrio relinquuntur quantum vnus Ecclesia ab altera distare valeat, ut parochiani Sacramenta commode inde sumere valeant.
- 9 Decretum hoc procedit quamuis Ecclesiae subiectae essent Regularibus.
- 10 Oratorium si adesset in loco minime incommodo non est facienda separatio parochiae ob numerositatem populi.
- 11 Episcopo non licet in Ecclesia sub parochia instituta fontem baptismalem constituere.
- 12 Episcopus inuitis Rectoribus, sed tamen sine illorum prauidicio potest parochiam diuidere ob numerositatem populi.
- 13 Ecclesia matrix, seu parochialis non acquirit ius patronatus in Ecclesia fundata intra suos limites.
- 14 Dos debet assignari tempore fundationis, & non post ac acquirendum ius patronatus.
- 15 Parochiani tenentur providere Rectori de victu ubi de necessitate est edificanda Ecclesia propter numerositatem populi, si non sit unde possit dotari.
- 16 Decima ad Ecclesiam matricem pertinentes non transeunt ipso iure in Ecclesiam parochialem nouiter erectam.

**E** piscopi, etiam tanquam Apostolicae Sedis delegati, in omnibus Ecclesijs parochialibus, vel baptismalibus, in quibus populus ita numerosus sit, ut vnus Rector non possit sufficere Ecclesiasticis Sacramentis ministrandis, & cultui diuino peragendo, cogant Rectores, vel alios, ad quos pertinet, sibi tot Sacerdotes ad hoc munus adiungere, quot sufficiant ad Sacramenta exhibenda, & cultum diuinum celebrandum. *a* In his vero, in quibus *b* ob locorum distantiam, siue difficultatem parochiani sine magno incommodo ad percipienda Sacramenta, & diuina officia audienda accedere non possunt, nouas parochias, & etiam inuitis Rectoribus iuxta formam constitutionis Alexandri III. quae incipit, *b* Audientiam, & constituere possint. *c* Illis autem sacerdotibus, qui de nouo erunt Ecclesijs nouiter erectis praeficiendi, competens assignetur portio arbitrio Episcopi ex fructibus ad Ecclesiam matricem quomodocumque pertinentibus, & si necesse fuerit, compellere possit populum ea subministrare, quae sufficiant ad vitam dictorum Sacerdotum sustentandam, quacumque reservatione generali, vel specialis, vel affectione, super dictis Ecclesijs, non obstantibus. Neque huiusmodi ordinationes, & erectiones possint tolli, nec impediri, ex quibuscumque prouisionibus, etiam vigore resignationis, aut quibusvis alijs derogationibus, vel suspensionibus.

Vide

<sup>a</sup> Cap. & temporis 26. q. 1. & c. fin. de Eccl. iudic.

<sup>b</sup> Cap. ad audientiam de Eccl. iudic. lib. 3. tit. 48.